


## Edizione diplomatica



[c. 32rA]

### Marcabruns

**P** Er laura freida que guida. Linuern  
ques tant plens diror. Lauzeill qusnon  
brai nin crida. Sotz foilla ni p(er)uerdor. Car  
lestiu abella aizida. Mesclon lor ioia cer  
tana.

**N** on auch chant niretentida. Ninon uei  
brondel ab flor. Empero si ai auzida. Una  
estraigna clamor. De ioi qeis plaing ses  
ufana. Cui maluastatz disciplina.


**P** roeza es forbandida. Eson maluatz li  
meillor. Lonc temps aurai cossentida. Els  
marritz lor desonor. Als acropitz linguas  
planas. Torbadors damistat fina.

**D** entre dompnas es fugida. Uergoigna e  
non sai tor. Las plus ant coaforbida. Emes  
lo segle enerror. Mas lor semensa frairi  
na. Geta maluatz fruit qangrana.

**D** rudaria es trassaillida. Ecreis putia so-  
nor. Eil moillerat lant sazida. Esois fait  
dompneiador. Tant mes bel qand us sen  
uana. Cum de can qan prist farina.

**T** ant cu(m) marcabrus ac uida. Us non ac ab  
lui amor. Daicella gen deschausida. Q(ue)son  
maluatz donador. Meschaussit dauol doc-

[c. 32rB]



trina. P(er)franssa ep(er)guiana.

N amfos ab patz segurana. Que tengua  
ualors laclina.

- letto 2760 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

**Source URL:** <https://letteraturaeuropea.let.uniroma1.it/?q=laboratorio/edizione-diplomatica-203>